

若不在心是皆不可原今姑予自新其各飭令正佐能幹官
分巡所屬量發廩或勸富家賑貸不急之務遂為停止有所
不便具寔以聞迺移至境者設法安插之爾等為國重臣宜
盡心區畫有司貪暴聞兄者起送赴京軍官具奏處治欽哉
復分勅陝西河南山東山西都布按三司及保定大名真定
河間順德廣平各如前旨謙勸助平糶河南富人趙守質年
七十無子請所示悉贖助荒謙異之以聞得旌令里老擇一
貧女命妾之逾年生子抱至院叩謝
哈密衛都指揮使脫不花為都督僉事

浙江松溪縣礦脈竭除其銀課

癸卯吏部郎中洪英為山東左布政司

復扈暹陝西鳳翔知府食正三品俸

浙江寧波大疫

四月甲辰朔日食

乙巳命監察御史曹祥馮傑往勘浙江福建銀場初戶部右
侍郎焦宏言銀場可開須御史巡問


戒飭各提學官許巡按御史糾舉

辛亥守備獨石左都督楊洪嘗請旗牌不允洪私作箭旗五

國權

正統十年

七



十木牌二十為交鋒緩急之節工部論其擅上不問

甲寅前鎮守洮守右軍都軍督僉事李達卒達在邊四十餘年威名甚著年八十八

乙卯右僉都御史羅亨信為右副都御史

工部右侍郎王佑太監尚義脩大功德禪寺

延安慶陽二衛召商納馬中監

壬戌設山東靈山衛儒學

乙丑國子監司業趙琬為左春坊左諭德助教李洪孔鐸翁

瑛為翰林院檢討俱仍監事

定寧夏班軍歲正月放歸拾月赴邊

丙寅安南入貢

戊辰進士路璧王廈為戶科給事中


張元吉襲正一嗣教真人 張懋丞之孫

大雨雹

辛未選秦府西安右護衛千人歲九月戌延安卒不盡五萬四川威州土官巡檢董敏仇州人王永構兵累年命御史趙

敬同三司面諭之

壬申通政司左右叅議龔全安王錫為左右通政



戶部右侍郎姜濤平濤山西忻州人貢士有治才賜祭葬

五月甲戌朔命翰林學士陳循曹鼎馬瑜參朝議

彭城伯張瑾匿私閹不發下刑部獄

丙子靖遠伯王驥奏延綏至肅州六千餘里戍卒不過五萬

六千餘人部議甘肅九四萬二千八百人足備遂益寧夏千

人延安五百人

漕運叅將都指揮僉事湯節言濬山東滕縣運河從之

丁丑蠲真定河間夏麥

己卯卜入安化縣陝西操備都指揮僉事楊信慶陽衛千戶

曹旺俱被敵縱掠杖之戍延安衛

庚辰廣西總兵官安遠侯柳溥勦潯梧等叛蠻斬七百三十

餘級署都指揮僉事范息等勦慶遠等蠻

甲申羽林前衛忠義後衛倉火


陽武縣蝗命捕之

丙戌吏部驗封主事李賢為考功郎中

戊子廣東按察司郭智作威索賂被劾下獄

庚寅平鄉伯陳懷奏薦山西行都司都指揮僉事吳浩宜召

用之京師上曰正可障邊因命兵部臣有邊才者自今毋



輒動

巡按四川監察御史姚鵬都指揮周貴左布政使侯軌僉事
王琦至松潘諭至地寨番下之

辛卯免河間去年灾租雲南屯糧

甲午進士郝璜為吏部驗封主事

丁酉免萬全都司屯糧

夜有二大星一青白光自紫微西藩流至閣道一赤光出自

雲中流至游氣

戊戌占城入貢

己亥刑部右侍郎薛希璉巡撫直隸保定河間大名順德廣

平鳳陽淮安揚廬滁徐大理寺右寺丞張驥巡撫山東

壬寅免濟南逃戶逋糧

曉刺大星青白光自八穀没于五車

六月癸卯朔以浙江紹興寧波台衢疫遣禮部左侍郎兼翰林
侍講學士王英祭南鎮會稽山通政司叅議湯鼎祭西岳華

山西鎮吳山為民祈福亡人蠲其租病賑恤之


甲辰起復河南睢州知州仲廣

丁未潯州通判龐本厚為同知本厚秩滿以善撫犛獯進之

國權

正統十年

十



戊申免平陽太原河間真定田租

監察御史吉慶筮苑人下獄戍鉄嶺衛

己酉脩杞縣離溝隄岸濬牛墓岡舊河

癸丑定河南牧地開封七衛輝六彰德四

甲寅工部左侍郎黎澄為尚書仍直內府

丙辰南京刑部尚書施禮卒禮字仲節東安人洪武丁丑進

士授行人司副進河南布政司叅議坐事免起守淮安又免

俄拜山東道御史進大理寺丞遷少卿宣德初進刑部右侍

郎正統元年進尚書調南京刑部以敦朴淳謹稱年七十三

賜祭葬

丁巳貸全椒縣穀一萬四千餘石

戊午提督雲南糧餉右僉都御史程富為右副都御史

金華府照磨吳熙為推官從軍民之請

庚申封班丹堅劉為靈藏灌頂國師贊善王

南京大理寺左評事張昇秩滿求就教便母養改 教授


免常州去年災租九萬一千四十餘石

甲子雲南總兵官左都督沐昂卒昂晟叔子洪武中授散騎

舍人進府軍左衛指揮僉事永樂初進雲南都指揮同知洪

國權 正統十年

土




熙初進右軍都督同知宣德末進右都督鎮守雲南正統三
年征麓川功進左都督總兵官復征麓川敗績降都督同知
七年進右都督從征麓川復左都督
乙丑免彌勒州逋租
丙寅南京國子監丞諸質為翰林院編脩杜寧服闋補翰林
院侍講
戊辰覽京城
辛未增西安府通判專督水利
七月甲戌脩滁陽王廟

霸州知州張需下獄錦衣獄需善字民順天府丞王鐸嘗旌
異之有牧馬官擾民需置于法牧馬官以譖太監王振遂被
逮并坐鐸私舉下法司宥復職
戊寅保定真定濟寧蝗命捕之

巳卯復孫理三河知縣
順天南石渠草場火

庚辰勅駙馬都尉井源太監陳脩鳳陽陵殿及城樓
辛巳進士邱嵩李侃錢森為戶科給事中熊文禮科給事中
鄴海刑科給事中張文質工科給事中



守備遼東寧遠衛都指揮使焦禮為左軍都督僉事仍守備

免鎮江廣平保定大名水災田租七萬六千五十餘石

丁亥整理大同邊儲戶部右侍郎沈固母喪許奔喪赴任

戊子撤馬兒罕國兀魯伯苦列干王並入貢

己丑免山東昌樂縣逃租一千五百三十石

庚寅緬甸宣慰使男卜刺浪馬哈省以木葉書約十月終歸

思任發于貢章付金銀鉄三刻為信索木邦眇額之地其頭

目哈答至京 上勅卜刺浪馬哈省即停至論功陞賞又思

机發劫隴川宣撫司使恭項印

壬辰減山西平陽潞文汾沁今年布花之二田租之三

癸巳通州義勇右衛倉火燬米穀一萬八千五百餘石

乙未巡撫河南山西大理寺左少卿于謙奏山陝飢民俱糊

口于河南懷慶河南有貯米六萬餘石請減糶 上許之命

戶部馳報毋緩

丙申黔國公沐儼改名斌

丁酉復荆王瞻垕書曰承諭漁于蘄州之赤東湖朕特允請


然山澤之利自昔工民叔氏宜體此意

戊戌賜哈密忠順王倒瓦答失里駝紐鍍金銀印

國權

正統十年

十三



芒市土官放草會木邦兵殺思机發刀怕囊等斬五百餘級
辛丑增順天府通判專督匠役

召商納糧騰衝中淮浙四川鹽三十萬五百九十引

八月壬寅朔黔國公沐斌為征南將軍總兵官鎮守雲南

夜有大星青色自天津北流入女床後二小星隨之

乙巳遣祭司鐘之神曰維神職司禁鐘朝儀是肅茲晨扣擊
失常朕惕政垂特申祭告

丙午夜月犯房宿

己酉監察御史彭勗為吏部考功郎中京衛武學教授紀振

為負外郎

省邊衛教官冗負

壬子河南多逃民委開封同知王靖南陽同知汪庭訓汝寧

通判周海又增陳州知州專撫逃民其復業者免賦役三年

癸巳免武昌襄陽常德長沙岳辰荊州旱災田租二十八萬

八千四十餘石

戶部給事中王弼言旱蝗饑饉致災之由則官吏貪暴相尚


刑罰失中宜御史指奏以憑罷斥上納之

山西按察使曹習古貪淫下法司成缺嶺衛

國權

正統十年

十四



乙卯裁路南州銅課之半

丙辰叅贊寧夏軍務四川道監察御史羅綺為大理寺右丞

蠲蘇松常鎮浙江水災田租四十九萬三千五百六十三石

辛酉賑西安鳳翔旱饑

陝西

賑江南江都縣饑

乙丑翰林院檢討姜洪為脩撰

定宣府龍門衛赤城鵬鷲堡每一金糶粟二石二斗獨石馬

營龍門所雲川堡每一金糶二石

丙寅浙江道監察御史陳疑為陝西按察副使專巡甘肅水

利屯糧

丁卯戶部左侍郎李暹覈儲于河南陝西酌糶買裕邊

庚午山東沂水縣丞馬麟為知縣

九月壬申仍遣監察御史巡茶

書戒秦王志潔以折山川壇獸吻拒宜川王入廟燬儀賓樞

偏承奉自縊拔紀善 鬚髮誘軍民子弟自宮之類不可


悉數也

夜大星青白光自羽林軍流近濁後有二小星隨之

國權

正統十年

十五



癸酉吏科都給事中張睿為戶部右侍郎

甲戌諭吏部王直曰給事中職封駁糾劾非行誼莊飭

尚書

才識優長儀偉言端昌克稱之今後慎選毋以輕畀


乙亥吏部右侍郎趙新言銓衡四事曰人無才全古今皆然
身言書判法固當回器使隨才亦或不遠若責短棄長捨僉
議而自用變舊典以徇私則選任失宜矣曰薦賢臣忠考察
才穀也今孝謹人才有司舉到不辨真贗輒自發回匪惟蔽
賢抑且違詔曰各衙門送到辦事年滿官負需次取選故事
也今不滿月日先後却候積累人多雜亂文狀隨手取寫謂

之公道後薪前魚欲人無怨不可得也曰官吏詐匿親喪厥
罪惟均今匿喪者罷為民而詐喪者職役如故禮法乖違輕
重失等臣敢冒昧以聞 上一從新言命詐匿親喪者並削
籍著為令

戊寅始免監生徭役

辛巳起復郿縣知縣石琰安定縣丞柴林復李簡韓城知縣
又安定縣丞柴林守制皆鎮守陝西都察院右都御史陳鑑
薦之

癸未進士林廷舉王允徐行童存德周鑑全智姚恭申祐張



洪宋琛李賓吳中羅篔柴文顯何琛周瑜齊讓黃綬陸厚曾
蒙簡常茂崔璵邵進為監察御史

丙戌停徵兩畿災傷孳牧牛馬

丁亥山東布政司左叅議黎璉專撫流民罷濟南等撫民通
判以駟騷故

兵部右侍郎虞祥卒祥江南崑山人歷金華訓導上虞教諭
宣德間擢禮科給事中慶壽寺僧創毘盧閣下瞰皇城祥疏
上立毀閣正統初進通政司左叅議善敷奏八年進戶部右
侍郎改兵部巡撫畿內剷除貪酷疾苦存問素謹默人尤安


之賜祭葬

劉鳳曰予觀謹厚者事未嘗不為動容也曰羔羊之詩見
之矣伯有佚奢而子產嘻晏不敢盈禮焉匡濟道缺樹德
務滋豈厚封之謂耶仲禎用誠長者處官雖畏慎庸不乃
愈教子孫不失佚可謂能遵業哉

戊子江西都指揮僉事馮鎮為署都指揮同知仍督漕運
庚寅兵部左侍郎鄺楚為尚書

夜大星赤光流南至游氣

辛卯吏部左侍郎李敷卒敷字居學直隸涿州人永樂初入



北雍嘗試第一授

衛經歷進禮部主事歷員外郎遷江

西右叅議改四川除歲買茶課從近轉餉松潘遷右叅政正
統初遷右布政使憂去奪情至佐銓剛直勤慎在蜀十餘年
績最著吏部為不逮也賜祭葬

壬辰遣監察御史李琮朱鸞王鐘盛琦劉訓任寧王震王淵
呂淵等清軍各省

癸巳戶部左侍郎李暹卒暹字賓賜陝西長安人洪武貢士
永樂初授北京行部戶曹主事調行在戶部坐累左遷清河
監副奉使西南諸夷還進戶部郎中正統初進通政使又通

政內艱起復仍理京儲遷戶侍歷官四十餘年以強敏稱

甲午夜月犯軒轅

乙未南宮等縣野蚕成蠶真定知府張玉稱賀下禮部

丙申增定邊等中益納馬例上馬一益百二十引中馬一益
百引初戶部定上馬百引中馬八十引商病其遠不即赴

丁酉戶部右侍郎張睿內官阮忠巡撫提督京通臨清徐淮
倉糧并象馬牛羊房


夜大星赤光自天船流華蓋

庚子河決山東金龍口陽穀隄

國權

正統十年

六



十月辛丑朔夜大星青白光自虛宿流羽林中曉刺火星犯上將星

癸卯勅戶部右侍郎焦弘往河南陝西抵甘肅巡視倉儲整理屯種

蠲鳳陽揚州岳荆常德長沙襄陽南陽平陽旱災田租

甲辰兵部尚書徐晞致仕子固安縣丞訥廕都督府都事以雲南督餉功

乙巳始授乙榜貢士劉震等教授學正監生侯玟等教諭訓導俱翰林院考定

丙午 上畋于南海子


辛亥脩睢磁祥符杞陽武原武封邱陳留安陽臨漳湯陰林縣沙縣決隄

癸丑工部右侍郎李蕡調兵部清理黃選

丁巳翰林學士錢習禮為禮部右侍郎侍讀儲懋為戶部右侍郎初命吏部與諸尚書都御史推舉可侍郎者咸舉懋等習禮則 上自擢

右軍署都督僉事劉廣卒賜祭葬

戊午役浙江二萬人疏海鹽縣永安湖



辛酉翰林院編脩謝璉為侍讀

乙丑都察院右都御史王文鎮守陝西代陳鎰

戊辰翰林院舉士曹鳳為吏部左侍郎陳循為戶部右侍郎
侍講學士馬瑜高毅為禮工部右侍郎侍讀學士苗衷為兵
部右侍郎兼秩各如故秉穀並直文淵閣

十一月辛未南京光祿寺少卿張惠為光祿寺卿

壬申太常寺丞戴慶祖王一居為少卿

交趾土官知縣阮世寧頭目黃正等先僑居應山縣不自給
命給俸終其身

癸酉故和寧王阿魯台次子火兒忽答孫願來歸勅迎之

乙亥通政司右叅議侯潤夫奏對謫和州知州

丙子隆平侯張淳卒

戊寅故會川伯趙世子英龍為臨洮衛指揮使


癸未戶科給事中王弼為順天府丞

丙戌增濮州同知亳縣丞各一

免貴州程番等長官司土民絕戶糧三百石

己丑復史簡河間知縣食從六品俸

辛卯甘肅左叅將都指揮僉事王敬為署右軍都督僉事副



總兵鎮守涼州

夜月犯火星

甲子夜月犯氐宿

丙申錦衣衛指揮僉事陳端捕盜于順天保定

己亥吏部右侍郎洪璵卒璵浙江淳安人永樂辛丑進士授

刑部主事改工部使陝西大學士楊士奇才之正統初直經

筵進翰林侍講士奇又薦進吏侍進退人才必詳慎不苟為

異同其妾淫奔士論少之

十二月庚子朔夜大星赤光自紫微西藩流騰蛇

乙巳戶部侍郎楊謨巡視福建銀場增處州建寧福州撫民

通判各一時處州盜葉宗留糾眾恣劫

罷江西均徭冊初議自按察僉事夏時頗擾民寢之

丙午江南吳江縣丞王懋本為知縣

濬福建長樂縣嚴湖

丁未設山東曹州以曹縣廣土民稠故析之曹縣知縣范希


正為知州

己酉瓦剌貢使云太師也先求人參木香諸藥陰陽占候美

卜等書上以其詞悖不予

國權 正統十年

主



甲寅野蚕絲製幔褥陳于太廟各祭告

丙辰丙刺使臣皮兒馬黑麻等貢馬八百青鼠皮十三萬銀
鼠皮萬六千貂鼠皮二百 上侈之命收其駿青銀鼠皮各
一萬貂全收餘令夷自售


雲南千戶王政奉勅諭緬甸宣慰男卜刺浪馬哈省索思
任發未即遣適晝晦二日術者曰天兵至矣卜刺浪馬哈省
懼以思任發及妻孥部屬三十二人付政思任發已不食垂
死政遂斬首函獻京師

設遷曰思任發老緬甸四年矣王襄毅再黷武曾不得其
安領一千夫長啣尺一之命遠東身受組非緬甸前倨而
後恭也介使得其人賢于十萬之師鹿走山林命懸于庖
厨任發之死晚矣然儂智高走大理終于不獲則明之威
德遠也

辛酉大慈恩寺禪師也失哩監剽自陳乞陞國師 上不允

壬戌廣西盜韋萬玉伏誅

乙丑廣西太平府照磨揭冕為試通判冕得夷民心



國權

監官設遷孺木著

正統十一年丙寅

正月己巳朔是日立春上御殿并受朝賀

壬申勅大同總兵官武進伯朱冕宣府總兵官武定侯郭玨

等以西洋河極衝如國初畫河守之

丁丑暫停在京工役二月朔趙事


已卯王上南郊

庚辰賜司禮太監王振及各監太監錢僧保高讓曹吉祥蔡

國權 正統十一年

丁丑庚辰六月... 庚辰賜司禮太監王振及各監太監錢僧保高讓曹吉祥蔡

國家圖書館, NATIONAL CENTRAL LIBRARY, TAIWAN, R.O.C.



忠白金寶楮綵幣諸物振侄林為錦衣指揮僉事僧保姪亮
讓侄玉吉祥弟整忠姪英俱副千戶世襲賜振勅褒許甚至
瓦剌太師也先請灌頂國師刺麻禪師封號銀印衣飾等以
非例不許

壬午復林伯興開州判官食正七品俸

直隸

癸未有虎入中都皇城土城命捕之

甲申禮科給事中李實下獄合州判官劉若冲糾其家居不
法也

戊子增鳳陽大名開州同知長垣滑縣長天各縣丞專撫民

己丑錢溥服闋補翰林院檢討

庚寅吏部驗封司主事趙敏為署員外郎


吏部考功司主事仍二員

壬辰山西陽曲知縣燕雲為潞州知州雲初令曲沃撫字有
方郡徵羊數百雲託生日開宴富民爭餽羊如額而止歷陽
曲善治如之秩滿食正六品俸至是巡撫于謙薦陞潞州

甲午脩太廟

乙未白虹彌天

戊戌行人尚褫為南京貴州道御史訓導張承瀚為南京河



南道御史

復徐彬直隸順德府同知齊郁山東寧陽縣丞

設遼東苑馬寺永寧監復州龍潭二苑

二月己亥朔巡撫山東大理寺右丞寺張驥上三事曰山東旱

即椎初葬之塚殘其骸曰打旱骨椿惡俗宜禁曰臨清千戶

所宜改守禦千戶所除吏目便鞫訟曰永利諸鹽場地近長

蘆即命巡鹽轄之俱報可

壬寅南京中都軍督僉事徐景珩卒賜祭葬

癸卯亦力把力等處地面也密力虎者王入貢

丙午復潘峻直隸東鹿典史食從九品俸

庚戌琉球入貢

太僕寺少卿沈升卒沈字志行浙杭人永樂甲申進士選庶

吉士授刑部主事預脩永樂大典性理大全等書戊戌進四


川右叅議憂去已調河南尋叅贊薊州軍務宣德未進北京

太僕少卿秩滿餽王振百金玉帶振漫眎之頗失望卒賜祭

設邊曰沈志行富于文學 文皇帝首開瀛洲之選其人

俱譽髦也多攻壘以終志行雖不敢望王英陳敬宗輩亦

卓有士望史譏其賂闈振倘亦有牛鼎之意乎鄉人如志



行者又多見柰何深嘗之也

甲寅陳墳嗣遂安伯

陳英之子

乙卯中書舍人龍文為吏部員外郎

夜火星犯平道東星

丁巳廣東徭寇八百餘人掠石城遂溪知縣

戊午藩府平遙王佶燭薨年三十九謚僖靖

浙江處州通判黃聰為同知仍提督銀場

庚申增浙江麗水青田縉雲慶元松陽龍泉縣丞專筦銀場

夜月犯南斗星

辛酉有異氣現華蓋殿金頂及奉天殿鵠吻之上遣告天地

禮部請度僧道命如永樂例

翰林學士蘭從善卒從善四川人永樂末自教諭選侍皇太

孫宣德初脩兩朝實錄進司經局洗馬正統初脩

錄進學士直經筵悃悞不少飾表裡洞徹于經術則未也

癸亥以春和下詔寬恤

鄭宏嗣武安侯

鄭能之子


丙寅協贊陝西軍務陝西道監察御史馬恭為右僉都御史

增開封衛輝彰德通判磁陳判官封邱蘭陽儀封陽武項城

國權

正統十一年

四



考城汲輝昨城新鄉獲嘉安陽湯陰臨漳等縣丞覓馬

丁卯安鄉伯張安與弟寧爭祿下錦衣獄

三月戊辰朔禮部右侍郎兼翰林院侍講學士馬瑜歸省

下戶部尚書王佐右侍郎儲懋刑部尚書金濂右侍郎丁鑑

馬昂都察院右都御史陳鎰右副都御史丁濬程富于錦衣

衛獄以安鄉伯爭祿法司戶部互委上怒其緩尋宥之賈

南京中軍右都督陳政卒

壬申監察御史柳華往督福建浙江江西兵勦礦盜

癸酉上發京師宿沙河

甲戌至天壽山

丁丑祭長陵獻陵景陵

已卯吏部聽選官龐昌獻白兔

庚辰上還宮


工部右侍郎王佑督脩大覺寺

辛巳前兵部尚書徐晞卒晞字益江南江陰人永樂初由

掾史時營北京授都吏授營繕主事歷郎中改兵部正統初

試右侍郎練兵臨洮鞏昌已叅贊甘肅軍務丙辰召實授往

守莊浪涼州立儒學尋轉南京戶部左侍郎辛酉轉餉麓川



功進尚書乙丑致仕卒賜祭葬

設遷曰徐晞起刀筆吏躋于八座其禔躬有長者風仗馬
箠于西隴南徼之間觸風雪冒炎暑橫身疆場即依日月
之光非云幸也世儒不識時變輒喋此曹子牛馬走不
足于經術嗟乎六經且糟粕安所得司空城旦言乎亦顧
其實何如耳

癸未靖遠伯王驥展墓

嚴偽銀之罪戍邊

夜月食

甲申廣西大藤峽賊流劫

夜大星赤光自左旗流天津後有一小星隨之

丁亥召山西按察副使寇深山西署都指揮僉事朱忠等薦

其才

駙馬都尉趙輝掌南京左軍都督府事

壬辰起復湖廣荊州知府劉永

癸巳暹羅國王思利波羅麻那憲智刺入貢


直隸滄州判官宋訥為知州

免山東濟南去年災租二萬三千九百七十石有奇

國權

正統十一年

六



甲子崇信伯費釗提督官軍牧馬

召都督同知毛福壽于雲南左叅將右都督再保協贊鎮守

乙未復嚴肅山東濟南府經歷食正七品俸

丁酉夜火星犯平道東星

四月癸卯濬直隸任邱縣凌城港接大河入直沽

丙午召致任浙江按察使柯暹至京

戊申賑六安衛軍

癸丑命江南蘇州知府朱勝乘傳赴任勅諭之

乙卯浙江紹興府通判白玉為知府

丙辰陝西延安知府為布政使右叅政食正三品俸

丁巳翰林院庶吉士劉文為中書舍人仍隸四夷館

戊午遣諭麓川思机發

賜雲南芒市長官司長官放草綵幣嘉其去年助討麓川功

右僉都御史盧睿叅贊寧夏軍務代大理寺丞羅琦

庚申五台山僧請脩圓通寺上難民力不允

辛酉進士王竑為戶科給事中國子監生于泰蘇霖為禮科


給事中

甲子安南琉球入貢

國權

正統十一年

七



訓導李俊祝傑戴驥王珉為監察御史專辦銀課

乙丑設雲南景東衛儒學

丙寅陝西大雨水傷人畜民飢命有司存恤

丁卯翰林院侍讀周叙遣祭衡山訖過其家被訐不問

五月己巳夜大星青白光燭地自天市東垣流至牛宿後有二

小星隨之

辛未起復山東布政使右叅議張允中仍理易州薪炭

甲戌國子祭酒李時勉再乞休不允

乙亥免浙江黃岩寧海天台臨海去年災糧二萬八千餘石

戊寅夜月犯亢星

庚辰山東高唐夏津蝗

辛巳山東青州旱許布折夏麥

戊子起復雲南石阡府經歷楊彬

除林縣荒田租

會昌伯孫忠舍人倍徵子錢被劾上宥忠戍舍人鉄嶺衛

已丑封襲張元吉正一嗣教冲虛守素紹祖崇法真人頒道


教事

先是四川孟地等寨番人作亂鎮守都指揮王杲廣高不能

國權

正統十一年

八



制廷議推都督同知宮聚都督僉事陳榮 上欲撫之命山

西按察副使寇深鴻臚寺署丞祁全往諭

壬辰封晉府美鳩永和王公錫泰世子公鏞汧陽王公鍊保
安王

免直隸冀州南宮寧晉柏鄉去年旱租四千五百九十七石

甲午監察御史李俊提督福建銀場

禁京城外窰禁時太監賈亨僧保內官雲保山黃義俱私陶
下獄

脩南京大報恩寺

己未前軍都督僉事鄭通卒賜祭葬

六月丁酉朔內使阮愷擅教寶藏庫鑰特慘之啟

戊戌亦刀把力等處地面也密力虎者入貢

己亥勞廣西吏卒


免浙江嘉興湖台災租十一萬七千八百餘石

庚子免直隸順德去年災租一萬一千二百餘石

壬寅疏球中山王尚忠表賀今年正旦

停懷寧轉餉廣西陝西時陝西稔

以戶部右侍郎焦宏請延安芻給自近縣從之



右僉都御史馬恭協贊延綏都督僉事王禎軍務

癸卯光祿寺卿李亨秩滿為戶部左侍郎

丙午安南入貢

戊申光祿寺卿張惠為四川布政使

責廣東都指揮阿貴左右政使吳揚僉事楊輔等勦高雷等

叛搖

辛亥脩京城

甲寅曉刺大星青白光流雲中後有二小星隨之

丙辰山西按察副使寇深為右僉都御史提督松潘兵備

夜地震有聲

壬戌進士章綸為戶科給事中

木邦宣慰使罕蓋法求麓川地鎮守雲南太監蕭保總兵官

沐斌侍郎楊寧議已設隴川宣撫司惟餘孟止地上命覈

之卒從所請

癸亥勅占城國王摩訶賈諶以安南訴其侵升華思義近又

攻化州也又勅三年一貢泊廣東市舶提舉司河或瓊州


甲子久雨順天潭河溢固安

七月丁卯朔晉州請疏滹沱河故道脩隄岸命俟秋成

國權

正統十一年

十



己巳封友垓蜀世子豪聖松滋王

戶部右侍郎張濬提督京倉糧料焦宏還部

庚午遼府應山王貴壘薨年三十三謚悼恭

設四川思曩日安撫司頭目阿思觀為安撫轄松潘

辛未順天河間保定應天鎮江松江蘇常太平寧國池州杭

州湖州嘉興開封衛輝各五月六月大雨水傷稼遣視之

癸酉復各處稅課司局凡辦鈔萬五千貫悉復設然增俸而

課定如故也

甲戌選朝覲卓異慶雲典史趙亮為知縣

浙江

海門縣丞郭得秩滿被留進通州判官

江南

京都太倉大寧中衛倉火

丙子工部尚書黎澄卒賜祭葬

高談遷曰自漢以來遠夷俘隸得列交戟叨右職而令終為

大難黎澄以季犛之逆屬傾否圖新白首冬暑雖僅効神槍

之技亦稅侯之流亞也讀南翁夢錄述陳氏興替愴然有

事餘悲馬首邱之感夫所謂越吟耶


庚辰大理寺右少卿沈粲秩滿進左少卿仍直內府

少保禮部尚書兼武英殿大學士楊溥卒溥字宏濟湖廣石

國權

正統十一年


十一



首人洪武庚辰進士授翰林編脩永樂初直東宮進司經局
洗馬復坐累下獄十年 仁宗即位釋之擢行在翰林學士
尋進太常寺卿兼學士未几直弘文館宣德初總裁兩朝實
錄憂去奪情進禮部尚書兼學士至 上進少保兼武英殿
大學士時同官楊士奇以學榮以才溥以度天下引領望治
焉贈太師謚文定賜祭葬祿壽廕尚寶司丞
邱濬曰我朝相業三楊偉矣然當其時南交叛逆軒龍易
位勅使旁午頻泛西洋曾無一語權歸常侍遠征麓川兵
連禍結極于土木之變誰寔啟之

鄭曉曰西楊士奇玉質金相通達國體東楊榮揮斤游刃
遇事立斷南楊安貞履節調羹釀醴泰合成名並稱賢相
云予聞之先人曰文貞輔導監國危心慮患卒能保其身
以濟其主文敏經略北塞金湯萬里有武蹟焉文定中更
難險比入內閣遲二楊者二十三年復還弘文再入內閣
昭皇后臨朝與民休息四海宴然皆其力也

癸未吏部右侍郎趙新曹義文選郎中張琛禮科給事中章
瑾等下獄初新私其從子澄令婿瑾囑琛不從及佐銓相忤
又受知縣洪鈞賂薦銅仁知府事發并劾及尚書王直 上



省直餘下法司俱釋

甲申金星晝見

上聞沙州衛都督僉事喃哥等陰附瓦剌命甘肅總兵官寧遠伯任禮等密執之

丁亥夜火星犯氐宿

戊子勅思机發入朝量授爾官又勅孟養護爾家屬毋失兵部左侍郎侯璉叅贊雲南軍務代楊寧


壬辰招遠伯馬亮卒亮淇人靖難初自百戶歷都指揮使屢北征洪熙初進右軍右都督宣德初征漢庶人進左都督正

統九年出塞征胡至黑山大松林流沙河俱捷得封勇悍善騎射戰輒當先為時驍將賜祭葬謚榮毅

癸巳起復 應天府尹

甲午 教諭林祥鳳為貴州道監察御史

八月戊戌免湖廣田租四十二萬八千二百七十餘石 叅贊寧夏軍務大理寺右寺丞羅綺下獄先以陝西署都指揮僉事陳斌等總兵官都督同知黃真屢奏其貪酷也至是入朝入下法司擬贖 上改錦衣獄引伏于是錦衣指揮同知馬順等劾右都御史陳鎰右副都御史丁璿刑部尚書金



濂右侍郎薛希璉馬昂大理寺卿俞士悅寺丞廖莊張驥蒙蔽上責狀謫綺戍邊

右軍左都督蕭授卒授四川華容人世府軍右衛千戶從靖難歷河南都指揮同知改總兵官鎮守湖廣貴州進右軍都督僉事宣德末進都督同知正統初召還年

已亥陝西按察僉事莊觀為副使仍提督學校

壬寅夜月掩心星

丁未作通州八里庄橋

戊申山西黎城知縣為汾州知州

免山東濱州田租

已酉湖廣武昌火

辛亥增陝西延安府同知一

江南江陰人劉源上司馬法注五篇

癸丑裁烏蒙東川軍民府知事檢校

復張亨直隸沙河典史

庚申吏部尚書王直右侍郎趙新曹義署光祿寺事戶部左


侍郎李亨相訐被劾各下獄


辛酉禮部右侍郎錢習禮署吏部

國權

正統十一年

十四





徐榮服闋仍直隸藁城知縣

遣視大名廣平真定順德盧淮安安慶濟南東昌青萊水災
河州衛番僧加失領真在于罕東衛通瓦刺至是來朝安置
南京

癸亥沙州衛都指揮同知桑哥失力來朝願率所部三十家
內徙甘州許之

乙丑右軍都督僉事魯加失卒失加莊浪衛西大通人

九月丙寅朔遣視徐州南陽太原充登武昌長沙襄黃岳黃荆
漢陽德安常德水災

前左副都御史李濬卒濬字伯瀟武定人監生擢四川道御
史憂去告漢庶人之變進右僉都御史正統初巡撫遼東邊
事大飭進右副都御史八年致仕賜祭葬

己巳宥王直曹義奪趙新俸二月李亨三月

禁邊衛官舍取直輸草

辛未火星犯天江金星犯軒轅

癸酉增廣東新會縣丞筦糧

丙子沙州衛都督喃哥兄弟不協部衆有二志甘肅總兵官
任禮先招諭而大兵乘之遂入居甘州塞凡二百五戶一千

二百三十餘人

丁丑夜雷電

己卯夜大星赤光自紫微西藩流近濁

庚辰勅緬甸宣慰使卜刺浪馬哈省以速刺曰爾能調夷兵

南據婁里北渡金沙思机發立可擒勿為他人功時緬甸請

蓋養泄里之地

辛巳廣西搖賊流劫化州執知州茅自得索贖殺千戶汪義

命廣東立營界上調兵戍之

有僧私立寺于彭義門外下法司戍邊

禁應天鎮江太平寧國湖濱淺灘築圩耕種以巡撫工部左

侍郎周忱言壅水妨民也

沙州衛都督喃哥弟鎖南奔就婚罕東衛上聞其臣瓦刺

偽封祁王命總兵官寧遠伯任禮遣人招撫之


丙戌陳文服闋補翰林院編脩

夜月犯五諸侯星

丁亥勅漕運總兵及諸巡撫官曰租稅出民漕輓以軍勞苦

矣所司不恤復侵擾之卿當加意暴官汙吏必致之法

夜金星犯木星



戊子兵部言瓦剌太師脅哈密忠順王及王母頭目陝西丁
等往瓦剌屬其整兵聽調報聞
已丑夜月犯軒轅曉刻金星犯太微垣右執法
辛卯右副都御史程富忝贊甘肅軍務代曹翼
壬辰前都察院右都御史顧佐卒佐字禮卿太康人建文庚
辰進士授莊浪知縣治邑廉平永樂初拜監察御史守正嫉
邪久之進江西按察副使勤敏威嚴奸黠匿遁三歲餘拜應
天府尹人擬之包拯勳威豪貴不利佐出貴州按察使未行
仁宗即位改通政使
宣宗三年進右都御史益振風采時


貴斂跡後居其位者莫及也家居十餘年啟迪後學賜祭塋
癸巳刑部右侍郎馬昂改右副都御史忝贊甘肅軍務
赤斤蒙古衛都指揮鎖合者來朝初苦木娶西番女生塔力
尼又它娶女生鎖合者革古者乃三分其部自領中帳塔力
尼領左鎖合者領右至且旺失加阿速父子相繼長赤斤部
衆強欲并右帳相仇殺鎖合者迫故自歸
夜大星青白光流丈餘倍大如碗光燭地東没于軒轅
是秋陝西大稔

十月丙申彭城衛南新倉火始遣戶部主事兌漕

國權

正統十一年

七



十漕運總兵官後軍都督僉事武興為都督同知

監察御史虞禎降山東博平知縣禎巡按貴州劾畢節衛教

授孫隱訐其醜酒嚮廩俱徵下錦衣獄

丁酉暹羅爪哇占城俱入貢曉刻金星犯太微垣左執法

是月申禁文武官訐奏疏江南常州益瀆河

戊戌瓦刺入貢

曉刻木星犯太微右執法辛丑復犯

已亥河南汝寧同知張鑑為知府

夜大星青白光自天舡北流鈞陳

辛丑守備獨石左叅將都督楊洪邀獲瓦刺部屬三十人

上以非寇邊命遣之入京

癸卯巡按浙江監察御史黃裳言御史給事中考滿黜陟取

上裁其後吏部奏定近年三品以上廷臣保陞夫科道專糾

察叅駁若考滿待陞求如文彥博之薦唐介呂夷簡之舉范

仲淹几何人哉乞自今以後吏部照例陞授

兵部尚書鄺埜等上集議禦方略蓄糧邊境增大同東西


路宣府古北口延綏之臺營之戍乞大臣巡視西北邊

俱報聞

國權

正統十一年

六



復梁瑄直隸邢臺知縣食正六品俸

乙巳瓦刺七先遣使奄克求見大同鎮守太監郭敬且云七先兵往兀良哈回乞餉上勅敬奉命守邊辭不敢擅見京師儲峙如山爾可自請也仍傳語爾攻兀良哈已勅邊將勒兵宜禁所部毋近邊恐難辨也
丙午中都留守司正留守蕭讓卒賜祭
夜金星犯進賢星
丁未賑淮徐濟寧災民免田租

命廕襲都指揮幼劣者即本司帶俸操練俟年長練達選任

戊申陝西西安水利通判黃鏞請鑄溉田之數用水之期于石庶人遵畏從之

壬子許罪人于通州轉粟龍門開平二衛自贖


癸丑夜大星青白光燭地流雲中後有二小星隨之

甲寅遣給事中御史分勞邊卒各一金共二十五萬七千一百五十三金

遼東都指揮使裴俊卒賜祭

巳卯夜月犯五諸侯星

丁巳設女直塔山左衛



已未刺瓦刺太師也先曰來使把禿不花等不由大同貢道
自塞外險路值巡軍不明言貢使几悞勤特宥不問館待尤
厚今後須賚鈇牌印符入大同
辛酉桂林中衛指揮同知武毅屢殺賊進署都指揮僉事守
備鬱林州

甲子命吏部推監司郡守第舉其人不許定秩其由掾吏必
軼才清譽方保薦

雲南按察使賴巽卒巽廣昌人永樂乙未進士授御史按蘇
松糾治豪猾考察湖廣斥叅政以下三百餘人進雲南按察

副使至今官

十一月丙寅陝西都指揮同知楊得乞募西安沿山獵戶土民
復其家殺賊有功例賞分命有都司官訓練班軍從之

丁卯山西布政司檢校劉因為陽曲知縣

戊辰裁四川烏撒軍民府

己巳夜月犯壘壁陣西星又大星青白光燭地後有數小星
隨之没于鬼宿


庚午命浙直織紵絲紗羅綾綢錦九千匹

辛未改舊禮部為貢院

國權

正統十一年

二十



乙亥誅內使吳忠及養子勇士欽以欽唆訟也

丙子淮王瞻墺薨王母李氏初國韶上以韶瘴徙饒州王嘗從左右有他請長史上海李伯嶼曰朝廷之上有賜無求賜則惠求則瀆王疾府中人欲祈福伯嶼曰何如貸丁錢以甦衛士之困王皆從之年三十七謚曰靖

己卯肥河衛都督僉事別里里格嘔罕河衛都督僉事你哈答俱為都督同知

十 錦衣衛指揮僉事李效良致仕子榮襲效良銀工直御用監請陞

十 夜月生暈參畢五車諸宿困焉

庚辰勅雲南署都指揮僉事司韶提督屯種不聽觀祭

辛巳戶部雲南司主事胡紀為吏部文選司員外郎

甲申封子璽汝陽王友璠內江王友城德陽王並皆封同重給瓦刺也先順寧王駝紐金印初永樂舊印失于兵


廣西思恩府為思恩軍民府

壬辰夜月犯心宿

癸巳右副都御史周銓調南京仍督理糧儲翰林院侍讀周

國權 正統十一年

主



叙為南京翰林院侍讀學士監察御史齊韶為南京刑部右侍郎大理寺左寺丞廖莊為南京大理寺左少卿

前右軍右都督吳亮卒于武昌亮直隸來安人以貴州護衛副千從靖難進旗手衛指揮僉事宣德中進湖廣都指揮僉事尋充總兵官總督漕運兼鎮守淮安正統初進都指揮同知平新淦賊進都督僉事甯佩征南副將軍印鎮貴州至進右都督改雲南已還視右府事致仕亮饒智略每用兵不嗜殺故蠻夷懷附惟寬簡喜文學至老手一編不輟賜祭葬

十二月乙未周府災

庚子進士涂謙馬琬陳叔紹為監察御史

壬寅燕山右衛帶俸都指揮使董興大亨都指揮僉事田禮錦衣衛帶俸都指揮僉事范雄張軌俱署都督僉事

京城大雷雨

癸卯設廣西巡檢司三十六所

故少師楊士奇子林廕國子監生

甲辰遣左通政王錫祭西嶽西鎮太常寺丞李宗周祭境內


山川時甘肅疫

置銅鼓衛儒學

國權

正統十一年

五



乙巳代王桂薨王母惠妃郭氏初封豫王後封代國大同王
與蜀王同母蜀賢而王暴建文時廢為庶人使如蜀觀法永
樂初復國不悛屢勅戒之召王不至再召乃朝草三護衛王
老矣尚時與子遜料滌疇短衣褻帽袖錘斧傷人市中誘納
軍民婦女入宮移怒其子遜端母子出居外舍于山西行都
司甚困王妃徐妬甚有寵其侍女二人糞其口漆其身復令
衛卒誘去之年七十二謚曰簡

凡矣而享國獨久反出于諸王之上噫是遵何德哉

增南京戶部主事四人

丙午築山東登州河隄

戊申夜月犯五諸侯星又大星青白光自房宿流近濁後有


二小星隨之

己酉雲南左叅將右都督再保卒


辛亥夜月犯軒轅

壬子免順天大寧災租

癸丑夜月犯木星復犯太微垣左執法



乙卯楚府景陵王孟昭薨年五十二謚順靖
丙辰復沈敬浙江按察僉事食正四品俸
戊午陝西通員食鹽鈔折徵米麥苴布絹
壬戌四川都指揮僉事徐貴郭禮孫敬分守松潘貴自西寧
關至平夷堡禮自金甌崖至靖夷堡敬自永鎮堡至新堡
部戶郎中楊謨招浙閩盜礦流民共三千五百三十九戶
癸亥進瓦剌使臣都指揮使把伯都督僉事



國權

正統十二年丁卯

正月乙丑夜大星青白光燭地自亥戌旁流天市

癸酉 上南郊

乙亥魏國公徐顯宗卒賜祭葬

丙子免江安合江災租六萬二千二百七十石


命鶴慶軍民府土官四品以上免家僮十六人五品六品免
十二人七品以下遞減其二餘悉為編氓從知府林道節之

國權

正統十二年

一

國家圖書館, NATIONAL CENTRAL LIBRARY, TAIWAN, R.O.C.



奏請

戊寅諭工部禁僭用織綉蟒龍飛魚斗牛等服及違禁花樣
已卯遣還烏思藏宣德間淹留貢使三百餘人其久家河州
者任之

庚辰兵部尚書鄺楚等言瓦刺七先分攻兀良哈三衛東西
俱定遂將窺邊乞遣京兵戍宣大上寢之

辛巳夜月犯木星

壬午瓦刺七先誘麻亦哈等處頭目阿刺荅瓦米兒咱貢玉
石俱不堪卻之乞憐遂半其賞

起復光祿寺少卿高寅

癸未建州衛都督僉事李滿住為都督同知

甲申免順德災租


遣視重慶府旱災免田租

乙酉蠲大同屯糧其卒盡戰守從總兵官武進伯朱冕之請

丙戌都督僉事方瑛為叅將整飭雲南兵備

鎮守山西太監郭敬部卒以甲冑易胡馬被劾上宥之

南京兵部右侍郎李郁卒郁字文燁洛陽人洪武丙辰進士
授印縣訓導擢工科給事中敢直言坐事戍五載薦採



木四川洪熙初轉禮科尋遷光祿寺丞出守長沙宣德八年
進行在兵部右侍郎已鎮山東又使交趾正統丁巳夏去後
補南京郁有才智臨事明練鄉貴自謂不如也賜祭葬
庚寅太僕寺少卿崔奎年八十三自陳靖難城守功進寺卿
辛卯起柯暹雲南按察使

二月癸巳朔減京城及通州市舍稅鈔


太僕寺卿吳敬予告

甲午設銅鼓衛儒學

乙未增大同猫兒窪屯堡

丙申勅福餘衛都指揮同知安出泰寧衛都指揮同知隔千
帖木兒朵顏衛都指揮同知朵羅千等曰瓦剌侵爾朕甚閔
之然部屬私通寔亦自取今毋聽其誘或有警急馳奏
戊戌翰林院侍讀陳詢為侍講學士黃諫服闋補編修
庚子署光祿寺事戶部左侍郎李亨子鑛為中書舍人亨營
得之

壬寅外戚孫奉祖凶暴殺人 上念 皇太后姑成邊遂勅
府軍前衛指揮孫繼宗及弟紹宗顯宗續宗純宗曰朕觀前
代戚屬憑藉聲勢肆為暴橫卒致禍敗朕 祖宗法度嚴明



褒善罰惡非前代比宜洗心守分庶保爵祿

甲辰琉球中山王尚忠入貢請封

汀州府經歷王得仁為推官

廣西荔波縣改隸南丹州舊隸慶遠府也

丙午通政司右叅議張隆致仕

丁未清河主簿王良為桃源知縣

頒道藏經

壬子戶部右侍郎張睿專巡視京師倉場

增戶部主事收臨清淮安船鈔

故安定王亦班丹子領占幹些兒封安定王

癸丑免雲南木邦軍民宣慰使罕蓋法歲辦銀八錠三年仍

賜各土官綵幣

甲寅翰林院侍讀江淵裴綸侍講杜寧謝璉王玉脩撰劉儼

商輅編脩陳文呂原李紹楊鼎劉俊肄業東閣學士曹鼐陳

循馬瑜督之通侍經筵

丁巳大理寺丞張驥為右少卿監察御史李奎刑部郎中蕭


維楨為左右寺丞

復李善汾州知州

權


正統十二年


四



守備馬營署都指揮僉事楊俊總督馬營官軍操練時入
廈免嶺夾牆不追擊勅責總督獨石等處左楊都督楊洪協
同守備都指揮僉事趙政有急併力毋私執失事
戊午御用監太監喜寧乞青縣地四百十五畝頃遣視多民
業別賜閒田七十九頃有奇
已未募商納粟于廣寧前屯寧遠鉄嶺三萬遠海六衛中鹽
淮引米豈四斗浙引一石二斗長蘆引六斗支俱不次
遣視寧遠衛旱災
禮科給事中余忭言銓選經也保舉權也仰惟 太祖太宗

之世一凡銓選吏部專職之任版得忠良豪門無奔競 宣
宗時慮有遺伏爰命大臣旁求俊又布按二司知府有缺令
京官三品以上保舉初意未嘗不善法行既久多所比周舊
例犯贓連坐舉主今復未聞所以互相倣習略不警憚先所
薦揚或有過惡力為揜覆能人貞士耻媚拙容內而御史外
而知府有任九年尚仍厥官賢否溷淆何所激勸哉臣惟昔
之銓衡或未精是以 先帝改為保舉今之保舉既未公伏
望 皇上復 祖宗之故廷議命如舊比周攀援者御史給
事中糾劾之報可





辛酉禮部辦事鄭與常上太平十二策興學安民崇儒正官
俗用賢養士選兵牧馬行鈔積糧考官擇吏議行之命提學
官督課社學選子弟需次補儒增廣生

三月癸亥朔 上發京師宿沙河

甲子次天壽山

提督遼東軍務左副都御史王翱奏同總兵官都督曹義巡
廣寧兀良哈賊伏起義擊破之左叅將都指揮胡源等出關
原遼陽都督焦禮出寧遠俱值賊破之共斬三十五級俘七
十餘人獲畜產四千六百有奇

乙丑 上祭長陵獻陵景陵

己巳還宿沙河

景陵衛倉火

庚午 上還宮

貸昌邑濰縣飢民粟四萬餘石

壬辰勅褒襄陵王冲焯孝弟侍母疾事兄韓恭王俱備禮
逮南京左副都御史周銓下法司以南京御史范霖等劾其
擅置功過二簿設各倉軍斗令義子入內府領折俸布占官
地多奸人妻也

癸酉鳳陽知府楊瓚請各儒學增廣生開科應試從之

許雲南武職就本鎮會官比試

乙亥給甘肅新附達官四十八戶各田五十畝

丙子召副都御史曹翼仍叅贊甘肅軍務先傷足故馬昂代
近疾愈也

復雷銘吳江主簿食正八品俸

免杭湖嘉興去年災租五十一萬五千五百十二石

戊寅守備偏頭關都指揮使馬貴上脩邊六要操士卒便器
械選馬隊謹烽堠識地利脩城塹 上從之

四川茂州草坡寨首加悟仇蕪村寨走雜谷數年矣至是貢
鉄甲乞貫罪許之

巳卯沙州衛都督僉事喃哥等率所部千二百三十一人來

歸分置山東平山東昌二衛各賜田有差


庚辰減開平龍門二衛卒屯餘糧舊領五十畝納六石今減

開平四石龍門二石

辛巳疏平定州河道

壬午安南朝鮮入貢安南遣御史中丞何甫審刑院同知阮

蘭等言欽州地殿中侍御史程馭言龍州地



裁武定軍民府通判知事檢校和曲祿勸州同知

癸未國子監祭酒李時勉致仕時勉任祭酒六年規條嚴肅
恩意稠至諸生疾或不婚喪贍給之嘗潛察一生出舍跡問
所在曰亡奴尾之時勉憮然曰游學之力曷資薪水耶生見
其意誠自愧悔因謝曰奴是不亡離學甘罪屢求去至是朝
臣及國子生出都門外餞者殆三千人商賈廢市又百餘人
送至通州泣別初時勉平恕南雍陳敬宗嚴重士望均屬時
稱南陳北李

翰林院侍讀蕭鎡為國子監祭酒

裁萊州府管糧同知

乙酉停蔬薪徵鈔

丁亥定朔州歲課仍三十稅一

蠲雲南河泊虧課

命四川布政使廣濟庫綾錦布褐衣被等物依時直准官吏
旗軍俸糧鈔

禮科給事中陳傳行人萬祥祭故琉球中山王尚忠封世子


思達琉球國中山王

夜大星青白光自角宿流太微西垣後有二小星隨之

國權

正統十二年

八



戊子鄧州流民馬貴等三百五十餘戶求附籍有司不即受
疏上許之

己丑五倫書成梓之

四月壬辰朔福建銀場進去年萬三千百四金虧戶部侍郎焦
宏之半命各場補辦

乙未提督遼東軍右副都御史王翹為右都御史總兵官

都督同知曹義為右都督右僉都御史李純為右副都御史

都督僉事焦禮施聚俱為都督同知

勅保定伯梁瑤左都督梁成署都指揮僉事申忠提督各營

牧馬

丙申免歸善長樂海陽揭揚災租萬四千三百四十餘石

己亥雲南總兵官黔國公沐斌奏招思机發不聽又掠緬甸


牛馬金銀臣分諭木邦緬甸刻期進兵上從之

辛丑發萬金于密雲遵化羅糧備餉

癸卯免保定河間大同大寧災租一萬七千二十五石

賑淮安饑

武功中衛指揮使華嵩與太監王振姪林爭效當杖特髡其
首漆之械示教坊司成大同



甲辰戶部照磨張瑾上八事曰各鎮選銳士為頭班有警先行次班隨應曰沿邊營堡隘口甃磚石曰邊卒全給本色免折胡椒蘇木曰邊吏折俸如在京例准銀絹曰沿邊墩臺瞭卒人給皮袄禦冬曰迎送瓦刺使臣預借官旗耕牛駕車免軍士推輓曰隆慶州榆林土木二駟改屬附近萬全都司曰各總兵官增陰陽學官審天時地利 上從之惟改駟增陰陽官不行曰諭禮部月一集議群臣所言事
戊申諸城縣飢逃一萬三千餘戶停其徵二百四十餘石
己酉朔州飢免班匠赴京


庚戌免大名廣平真定去年災租萬八千二百四十餘石

辛亥貸襄陽荆岳柳飢民倉糧

巡按福建監察御史柳華上言處州流民多盜福建江西諸銀銖鉛場屢諭復業不聽臣令每村置金鼓揭燈擊應諸坑塲埋銳竹銖蒺藜室其徑穴禁兵器已復業二千五百餘人乞免徭役一二年從之

癸丑慶王秩燿留民間自宮者五人以長史不諫不奏下都察院逮之

乙卯故少保楊溥孫尚寶司承壽入朝特留翰林院讀書



丙辰增廣東布政司右叅政鍾祿巡視海道
鬱林州判官吳環為同知

減文武官吏俸鈔

丁巳復肥鄉知縣許顯任食祿從六品

免蘇常松江鎮江災租八十八萬四千七百七十餘石

戊午翰林院編修徐瑾為侍講檢討王振為脩撰

進士王鎮為刑科給事中葉盛葉斌為兵科給事中

戶科給事中章綸往浙江督光祿寺厨料杖斃上虞縣二解

戶勅下法司謫應州判官

已未弛山西邊民樵採禁

庚申故府軍前衛指揮僉事胡信子真襲職信妻保母恭聖

夫人李氏故累進至是求襲非例特世之

巡按直隸監察御史呂困言七事曰寬免吏賦已徵者亦給


還曰選法司官同各按察使巡按御史平反冤獄曰添設撫

民筦糧筦馬等官非要地悉取回曰諸淫祠悉廢召民佃其

地曰定民間婚喪式毋奢僭曰舉山林修謹文學之士曰廷

臣三載考稱乞例賜誥勅下廷議

辛酉免廬州災租一萬四千五百餘石



廣東崖州黎賊殺千戶陳政按察使郭智署都指揮杜信諭降之

郭棐曰黎人居郡邑之中為心腹之疾非外夷比也漢唐之際舉數千里之疆而棄之天下豈有歷世不宥之盜哉以羅旁之險浪賊之衆一旦夷之而井邑其地况娶嶺之黎乎嘗觀歷代禦黎失策則撫之說勝也撫非不善在彼不在我將何怨焉成化丁未征陳那洋之後黎人惴慄見軍即跣軍士藐其愚騃無故笞詔哨守等官又多凌虐困辱之不久復叛是以激之道啟之也正德丁卯千家羅活

諸村之橫兵憲王繼招之而益肆是以撫之道悞之也及王倬疏至獨特鵬勦不做外兵不費斗粟不遺一矢僅數日而亂定其逃入旁洞者率令擒斬報莫敢違命賊死既定乃下撫令自是崖之封內牛畜被野盜寇絕跡然後知變生于激玩生于撫欲服黎者將何從乎

閏四月甲子免太原汾州災租萬三千八百八十餘石

丁卯進士許仕達王福劉孜訓導王鼎為江西陝西山東廣


西道監察御史

保定淮安濟南蝗命捕之

國權

正統十二年

十二



庚午太監喜寧侵英國公張輔田宅不受寧弟勝率私闖毆
輔舍人妻死事聞寧寧贖勝成私闖于南丹衛

夜月犯木星

辛未勅禮部申諭內外毋得私收闖人于是成國公朱勇等

各首私闖百十一人俱隸南海子

復楊聰三原知縣

免溧陽災租三萬六千七百三十餘石

龍溪縣盜起

甲戌除羅雄州逋租

戊寅許乃顏衛指揮乃兒不等花移居白山避瓦刺也先也

鬼兒山東馬房倉火

已卯停昌樂縣迺租

各道監察御史陳璞等上言山東湖廣等布政使直隸淮安

等郡縣連被水旱人民困苦或採食野菜樹皮或鬻妻妾子

女或流移他鄉甚至聚為盜乞令有司加意賑恤蠲免雜徵

停止正賦貪酷不才坐視民患者皆究治之命所司議行


工部營繕所、副蒯祥陸祥為工部主事蒯木工陸石工時

錄脩城功順天府帶俸經歷張忠乞陞 上怒其干澤下獄

國權

正統十二年

十三



奪秩仍石工

壬午張福嗣隆平侯 張淳子

肅王瞻熘子洵陽王祿埤擇妃得甘州中護衛指揮樊俊女

已奏封或言俊惡疾宜廢禮部謂女無疾宜遂其婚從之

翰林院檢討金達為禮科給事中 故兵部尚書金忠之子

進士原俊朱海李駿周壽徐彬朱縉陳詠監生李鑑胡灝趙

震李弼蔡鑑黃福生馮進俱為南京監察御史進士張讓莊

敏監生洪本昌單浩李春奚倫俱為南京給事中時御史給

事中范霖等俱事失實繫獄

甲申耀州學正康極請科場落卷俱付提學官詳校庶考官

不敢忽諸生不敢俸下部議

丙戌南京太常寺贊禮郎馮必正為寺丞初永樂間召仙女

焦奉真因薦舅馮仲彛為太常寺丞仲彛卒孫必政為真武

廟官進贊禮郎至是奉真又乞陞從之

戊子增四川茂州同州

庚寅免應天太平寧國池州安慶等灾租共九萬二千二百


十餘石

五月辛卯朔琉球國中山王世子思達貢馬

國權

正統十二年

十四



壬辰邢寬補翰林院侍講先刺貞家居至是言事召至

丙申遣視吉安水災

瓜哇國臣使陳麻勿卒賜祭

丁酉周府河陰王子堽薨年二十一妃鞏氏自經謚王懷僖

妃貞肅

署都指揮僉事陳憲提督廉雷高肇官軍守備撫治夷人

己亥勅大理寺左少卿張驥賑濟山東濟寧以南至淮揚雜

泛徭役悉與蠲免流移者招撫之所司官吏貪酷害民依法

究問

辛丑駙馬都尉王誼卒誼係王佐之子尚真定大長公主

壬寅廣東按察使郭智犯贓削籍

增陝西都司斷事往延安綏德理刑

常熟人魏宏通餽朝貴仇家奪之以聞上按所餽兵部右


侍郎李善翰林院脩撰張益順天府丞夏衡監察御史虞禎

呂困中書舍人金純皆宏鄉人罰俸三月副都御史丁璿禮

科都給事中章瑾監察御史曹偉皆宏託交罰俸六月

甲辰平陽旱開封河南彰德蝗

丙午脩南京奉天殿



行人賈恪成始終知縣陳价博士張哲為陝西河南山西四
川道監察御史

吏部聽選官陳倫言洪武時夏秋二稅但輸正耗後轉漕北
京每石耗至二三斗今至六七斗以上官吏糧里索費又至
三四斗且淋尖收之計正耗一石通用二石二三斗宜戶部
定例都察院榜禁以草奸弊疏下戶部謂近例湖廣江西浙
江每石耗六斗五升南畿五斗五升徐州四斗山東河南三
斗江南運至瓜洲耗三斗七升至淮安三斗正糧尖斛耗糧
平斛覆上報聞


丁未外供用庫草場火

巳酉脩南京各祠廟

庚戌命戶部歲運十萬金于遼東廣寧糴糧許永平贖罪運
米山海倉赴遼東寧遠

壬子巡撫河南山西大理寺左少卿于謙言流民至河南將
及二十萬乏食請量減稅糧暫停通租馬匹雜辦各處解京
鹽糧鈔暫存本處米石麥每石折鈔五十貫改三十貫上
俱允行之

癸丑復常熟致仕知縣郭南任南勤敏有治劇才邑民當役



諭之曰能出粟四石准役乎皆對曰善貯其粟歲用才三之二南請老紳民乞之

已卯給思机發弟招賽居食隸錦衣衛初思机發遣招賽入謝命留雲南至是移京冀款思机發也

丁巳翰林院檢討王玉為脩撰南京國子監助教孫士用為檢討仍理助教事


戊午朵顏衛指揮乃兒不花弟阿魯花報瓦刺也先弟賽罕王攻殺乃兒不花命阿魯花襲指揮僉事領其衆

六月甲子南京大風雨山川壇災

南京左副都御史周銓下錦衣獄瘦死給事中劉燾劉華甫干璫盧祥劉昭張雲翰贖徒復秩御史胡鑑辛浩潘英成缺嶺衛左輔聞人謫張斌張禮楊觀王紹宗儀溥張承翰尚禔謫駙丞范霖楊永論死給家貲之半贍銓家以劾銓多誣也是月賑江西贛州臨江吉安水災
丁卯禮部右侍郎錢習禮致仕時朝貢多趨王振習禮不為屈請老

賑山東沂州飢招逃民

庚午會稽趙伯泰自言宋裔奏宋孝宗理宗璣宮在會稽安



定郡王墓在諸暨福王墓在山陰豪民田宅樵牧之臺基垣
墉盡見毀斥下巡按御史王琳左叅議李源僉事高瑛發豪
民成遼東

壬申占城國使臣左栗提明卒南雄之凌江駙賜祭

甲戌大同府通判霍瑄為知府

乙亥諭吏部毋以夷人為御史

中軍都督同知錢貴卒

昏刻金星犯太微垣上將星

丙子監察御史柳華請閉浙江麗水平陽等縣銀坑以鑛少

累民也從之

戊寅夜大星如椀流丈餘青白光如斗燭地自天津流羽林

軍後小星十餘隨之聲如雷

庚辰浙江象山縣疫免沒者田租百八十四石


癸未進士胡深張春為南京四川廣東道御史監生程亨郭

鑑真鍾蘇廉祿為南京陝西廣西雲南山東道御史

甲申免垣曲縣旱租

七月辛卯朔賑永平鳳陽河南蝗災

癸巳巡撫河南山西大理寺少卿于謙外艱命奔喪即赴任



甲午左軍都督同知焦禮守備遼東寧遠

丙申免代忻鄧城費縣迹租布絹鹽鈔

丁酉真定大名蝗命捕之

己亥復蕭增江南江浦主簿食正八品俸

故占城國王占巴的賴姪摩訶貴來遣使言先王以臣為世

子臣幼遜國于舅摩訶貴談屢侵安南安南兵抵舊州古壘

擒摩訶貴談臣代其位請封遂遣兵科給事中陳宜行人薛

幹往封為占城國王

翰林院侍講王一寧檢討錢溥主考應天

故定遠忠敬王沐晟祔黔寧王英廟歲祀從雲南軍民之請

辛丑贊理雲南軍務戶部右侍郎沈固上言帝座有宦者之

星周官設常侍之職今內官保護聖躬贊翊皇化其功尤著

乞如外臣例給誥勅為身家榮不聽時璫熖方熾故固媚之

癸卯監察御史梁輯憂居凌寺僧、訴于京謫知縣

甲辰命外解紵絲羅絹各署號調提織造官吏名氏

勅邊將練士選銳備出塞


乙巳復杜讓陝西安定知縣食從六品俸

巡視河道山東布政司右叅議王聰下臺獄以盜決隄也

國權

正統十二年

九



宣府都指揮僉事楊俊總督獨石永寧等處守備

丁卯翰林院侍讀習嘉言侍講邢寬主試順天

己巳監生吳玉楊伸為戶部主事

寧夏總兵官黃真乞選河南操軍三千人分戍寧夏延綏不

許俟邊營赴援

辛未暹羅國王思利波羅麻那惹智刺入貢

甲戌京衛帶俸都指揮同知邱真提督雲南臨安衛守備

夜月犯外屏西星

乙亥起復四川布政司布叅議徐璟仍理邊儲

丙子江南邳州蝗

己卯後軍都督僉事李珪卒

月犯五諸侯南星

己丑靖遠伯王驥上鉄蒺藜圖馬草衛三尺長四尺布釘百


八十芒一寸有奇每步一具四百具列一里四千具列十里

值寇即置地稍退寇突至馬蹶安營環于外部議利于守不

利戰下邊將酌之

兵部右侍郎李蕡卒蕡江南長洲人進士授兵部主事歷郎

中太僕寺少卿從王驥征麓川外艱不聽歸功成遷兵部左



侍郎終喪兵部尚書鄺堃薦其才補兵部右侍郎在兵間久
知邊郡地圖阨險遠近堃深以此倚之為人長者居鄉甚著
行義賜祭葬

劉鳳曰聞之長老云當英宗時野朝方以下為事堃實
謀之資為具言所以戒慎而中官振務激一時調納偏
說不參稽且席中國累葉盛強氣奮決策于內茂實言不
用亦前死故得不被書云無侮老成人則計之生熟于得
失可知矣

九月庚寅守備開平獨石軍務山東布政使左叅政尹聰還京

夜大星青白光燭地自天廩流天苑


辛巳勅巡撫山東直隸監察御史史濡童存德各選卒聽征
都指揮僉事曹廣于東昌平山二衛安插降夷耕種生業

甲午夜東南天鳴有聲

乙未減徵船戶課鈔十之八

禮部右侍郎兼翰林院侍講學士馬瑜卒瑜字惟和臨朐人
宣德丁未進士第一授翰林脩撰侍讀 宣宗實錄成陞進

侍讀學士正統五年直閣十年進今官端重簡默門無私謁
再主禮闈精心檢閱年五十三賜祭葬贈禮部尚書兼翰林



學士故事贈無兩官自瑜死

丙中山西左布政使石璞左叅政朱監按察使林文秩僉事黃文政考官郭明郁教諭吳驥同考官知縣黃子嘉鄉試題詩經維周之禎犯楚昭王諱禮部糾舉各罰俸一月

丁酉停山東濟南青登萊迯租

初錦衣衛籍撫州徐翰家刑科給事中王理知之語按察副使王裕、語翰致匿理等俱下錦衣獄論死命錮之裕禮部左侍郎兼翰林院侍講學士王英子英待罪請逮裕已戍裕大同威遠衛

夜月犯壘壁陣西星


禁兩京陝西河南湖廣甘肅大同遼東以白地青花瓷器售外夷

移山西解州長樂巡檢司于池鹽南

辛丑夜月犯外屏星

壬寅大同把總操備都指揮僉事吳浩為左叅將

大同總兵官武進伯朱冕侍郎沈固等上禦、六議曰守每秋深亟收田禾窖藏老弱盡入城寨曰戰大同分三路若小寇則一路出禦大寇則三路互援曰劫、晝馳夜宿選銳士



夜劫其營斬獲重賞日追一得利出塞負重行遲不得利得

罷困或據險設伏或分擊躡後日選兵日車戰上悉從之

乙巳夜大星青白光自閣道旁流游氣

丙午晉府臨泉王美塔薨年二十八謚莊簡

戊申浙江文武官俸米減支如舊初倉粟溢恐腐故增給

後軍都督同知王或卒或盧龍人從靖難功

己酉勅提督遼東軍務右都御史王翱曰也先侵兀良哈脅

泰寧朵顏二衛惟福餘奔惱溫江欲冰凍追之因往海西收

女直爾宜遙振軍聲使聞風遠避斯全策也

庚戌陝西按察副使陳崑謫揭陽桃山駙丞坐妄言惑眾也

癸丑夜月犯太微垣上將星

丁巳駙馬都尉沐昕掌南京後軍都督府事

府軍衛正千戶馬雲驍騎右衛副千戶馬青賈綵帛萬三千


三百五十五匹率吏卒百七十一人使瓦剌以脫不花王

及太師也先使臣皮兒馬黑麻等二千一百四十九人來貢

馬四千一百七十六匹宴于大同也先前掠大同卒四人雲

等索之已遇害遂還遼東卒四人時也先誘回鎖魯檀哈

密使臣脫不花撒馬兒罕使臣馬黑麻的等俱入貢公私



駟騷邊患日棘

遣視松江紹興旱災

戊午河南道監察御史萬節等言遣祭行禮各官怠忽或託代或家宿或群飲或嬉笑令乞禮部嚴飭從之

十月庚申駟馬都尉井源掌宗人府

丙寅勅南京戶部右侍郎張鳳兼提督倉場

己巳右僉都御史盧睿為右副都御史仍叅贊寧夏軍務

戶部郎中鄒來學服闋進通政司右叅議督理永平山海等

處草料

廣西總兵官安遠侯柳溥乞父升封謚許之

辛未賑安徽巢縣饑

壬申遣視徽滁廣德濟南襄陽黃荆岳常德沔陽順慶旱災

庚辰巡按直隸監察御史林廷舉言吏部者朝廷所使進退


流品者課銓選也近來三司等司及軍民人等槩將方面有

司具奏保留至擅擬陞某官擬改某任夫改任者以為才固

不必改也不才則彼民非民與保留者以為不賢固未必留

也果賢曷若多方分惠與矧其所舉多以逢迎諛悅為卓魯

以科催培尅為龔黃撫字心勞目為迂儒剛介不阿斥為愚



竄闖冗之吏互相倣習煽惑愚民蒙昧保舉復任之後惟圖
私報曷念在公紊亂侵官莫此為甚乞嚴加禁戢下吏部議
命滿九年去任者聽保留未及去者不許并下廷舉所言于
中外

辛巳夜月犯太微垣右執法星

癸未襄城伯李隆卒隆永樂四年嗣父濬爵累從北征充總
兵官鎮守山海永平尋守備南京兼署中後二衛正統六年
召還掌行在中府十年巡大同器量弘偉讀書知大義臨事
侃侃馭軍有紀律人莫敢犯鎮留都十八年威惠並著官貴

尊嚴擬于王者人仰望丰采既徵還始近聲伎為自安計賜
祭葬

王直曰晉之卻轂以詩書禮樂將中軍晉是以大漢諸葛


武侯不使有餘財以負昭烈公庶乎是矣公自號湛然道

人人亦以是稱之嗚呼此其所以為湛然者與

雲南總兵官黔國公沐斌等率兵進攻思机發思机發懼遣
使入貢命斌等趣其入朝毋貽患

四川按察使僉事王琦致仕

戊子脩武伯沈榮堯三千營左右十隊平江伯陳豫堯神機



十一月己丑賑南昌吉安臨江廣信九江饒撫及瑞金縣飢

庚寅 皇長子見深生

大理寺左少譙卿于謙服闋入朝時裁河南山西巡撫除兵部右侍郎謙外鎮十九年歲饒糴民粟儉則平直以糶齊秦流民至者給田牛而次責其歲毋與土著淆堤河廣屯吏民賴之

辛卯瓦剌脫不花王及七先使臣至遺宣府守將楊洪書事聞勅洪禮之報札申國家威德耳毋嚴拒失下歡時洪著威望下畏之往來輒貺

癸巳總督邊儲山西布政司右叅議張維下都察院獄維委官理儲多匱遠進表至被劾

戊戌沙州衛遺衆矮爾丁把刺亦等來歸分隸東昌平山二

衛

己亥夜月犯昴宿

庚子山西解州獻瑞麥一莖二穗至五穗

辛丑免濟南青登萊災租


壬寅設益寶左衛女直

癸卯都人王官孫自言其女有奇相請入掖庭不許

國權

正統十二年

壬



甲辰福建布政司右叅政宋彰入朝彙緣得左布政使

乙巳都指揮使杜忠守備山西偏頭關

林聰服闋補刑科給事中

丁未北阿兒脫台來歸言也先謀入寇脫不花可汗止

之也先計吾自為之日騎蹂塞下彼田不得耕民不得息乃

可逞也也先又釋所掠哨卒二人偵京師命阿兒脫台授南

京錦衣衛鎮撫帶俸

癸丑考郎兀衛都指揮哥哈遣官入奏黑龍江諸部野人欲

來朝貢乞付勅招之上曰朕不能勞民以事遠若其自來

固不拒也

甲寅欽天監監正彭德清言欽造銅儀夏官司劉信測驗北

京北極出地四十度強南京北極出地三十六度日出時刻

南北不同今宮禁及官府漏箭皆南京舊式不可用遂命內

官監改造

乙卯嚴私蓋之禁

丁巳都督僉事喃哥卒 因即來之子 弟克羅俄領占嗣後賜


名氏羅秉忠

前吏部尚書郭璉卒璉新安人永樂初授戶部主事勤能遷

國權

正統十二年

庚



福建布政司右叅議年才二十四歷工部右侍郎轉吏部左
侍郎秩滿進尚書持銓十四年名稍不及蹇義然潔廉務採
實行不用浮薄進士李賢謁選試嘉禾詩即奇為輔相才補
驗封主事其知人類此朴寔安靜無遽色年七十七賜祭葬
十二月戊午朔命死罪擬輕者戍邊

辛酉夜大星赤光照地自貫索流天市東垣
壬戌限一品官誥五軸二品三軸三品二軸四品五品一軸
六品以下勅一軸三考始給時工部尚書王菴言文官貶封
誥軸或十道或八九道致閑給不敷故減之

甲子貸江南高郵州饑民粟九千五百餘石

丙寅哈密衛都督僉事脫不花為都督同知都指揮使陝
西丁為都督僉事

戊辰夜月犯五軍星


己巳翰林院編修為侍讀起復陝西右布政使王暹

江淵

壬申免安徽池州去年災租一萬一千餘石

甲戌禁江西饒州私造黃紫紅綠青藍白地青花等瓷器冒
者首犯磔死籍家貲丁男戍邊知不告者連坐其罪

丁丑禁四川陝西私茶之禁



辛巳進士黃鎬項聰朱英嚴樞張翰胡端曹得監生錢清張
凱為監察御史

癸未夜大星赤先巴中台流太微西垣後三小星隨之


甲申瓦刺先所部把把來王以二千騎屯伯塔山哈密猛

哥不花子與疏目滿刺平章乘其出率眾襲之悉俘其人畜

事聞命甘寧延綏總兵官備七先之報復

乙酉召陝西按察副使張楷楷理邊餉中官薦其博雅兼善

兵



國權

正統十三年戊辰 監官設遷孺木著

正統十三年戊辰

正月癸巳釋南京故曹國公李景隆家屬三十八人拘繫

乙未封淮世子祈銓為淮王代世孫仕壘為代王鍾鏗河東

王鍾鏗大谷王

丁酉 上南郊


吏部大計罷斥五百一人

庚子勅通政司右叅議鄒來學往理薊州山海永平糧餉


國權

正統十三年

一



國家圖書館, NATIONAL CENTRAL LIBRARY, TAIWAN, R.O.C.



禁口北路售弓矢軍器于夷使

逸北瓦刺使臣都指揮同知皮兒馬黑麻為都督僉事

壬寅琉球赤力把里等入貢

命兩京山東河南捕蝗種

丙午夜火星犯房宿

戊申李賢服闕補吏部文選司郎中

庚戌免直隸廣平縣去年災租一千二十餘石

壬子行人甘澤為江西道監察御史

乙卯南京禮部右侍郎金問卒問字公素江南吳縣人家貧

無書寓讀于人學于俞貞木永樂初薦善書授司經局正字

直東宮會有累與黃淮楊溥繫請室十年洪熙初進翰林修

撰時引對有所匡益宣德乙卯進太常少卿兼翰林侍讀學

士正統癸亥調南京太常寺明年進禮部右侍郎歷四朝皆

在肘腋參預時政每有撰述未嘗不在其學長于訓詁尤工

書解星歷兄聲嘗病禁寒時欲得羸蚌即解衣覓進之其友

愛如此賜祭葬


是月太湖大小貢山鬥踰時而止

二月丁巳朔勅哈密忠順王倒瓦答失里及各頭目曰朝廷樹

國權

正統十三年

二



立之恩于爾先世甚厚背德不祥慎勿為人所誑惑也時哈
密畏也先故稍貳于朝

戊午夜火星犯罰星

己未隆平縣丞米進為樂城知縣復李顯鎮原縣丞

食正七品俸

侍講學士陳詢主試應天訖枉道還松江被訐下獄還秩工

復李顯鎮原縣丞尋陞湖廣安陸知州

脩大興隆寺初名慶壽在禁城西金章宗建太監王振言

其敝命役軍脩之費物料巨萬壯麗甲于京都

免廣德建平災租

庚申進士馬頊為湖廣道監察御史學正謝獻為南京陝西

道監察御史

辛酉復李平茂陽府通判食正五品俸

命四川徵細茶易番馬


許雲南屬夷仍納馬先是徵金

金星晝見昏刻月犯昴宿

甲子工部右侍郎兼翰林侍講學士高穀侍講杜寧主禮闈

乙丑勅諭麓川叛賊思机發入朝并益養宣慰司各頭目勸

駕而思机發竟不至則益養陰右之也



夜月犯五諸侯星

丙寅雲南臨安府同知徐文振為知府

丁卯工部尚書王忬致仕

廣東新會新興等縣盜起

戊辰戶部主事張用瀚為吏部驗封司員外郎

己巳改工部主事理江南淮安儀真瓜洲河道

令戶部主事孟玘同

麓川思机發貢象馬賞其使如初惟留思机發賜物俟自至

濬河南睢州巴河

辛未巡按直隸監察御史周瑜有妻再娶下獄

癸酉忠義前衛倉火

甲戌將樂訓導王昌順請宋儒楊時從祀孔廟下廷議

李珍嗣襄城伯 李隆之子

乙亥楚府崇陽王孟煒薨年六十一謚靖簡

丙子山西按察僉事戴誠為河南布政司右叅議疏通河道

夜月犯心宿


巡視銀場監察御史王珉言福建先侍郎焦宏定歲課二萬

八千二百五十金後御史馮傑按止萬三千四百金今礦徵

國權

正統十三年

四



民困乞如傑擬不聽
已卯思机發逃孟養不出雲南總兵官黔國公沐斌進兵金沙江瘴阻俟秋往且乞師命徵南京各省兵期八月至雲南
壬午 上發京師宿沙河
乙酉祭長陵獻陵景陵
三月丙戌朔次天壽山戊子還宮
勅責孟養軍民宣慰使司大頭目刀變蠻等匿思机發之罪能擒獻為上策拘思机發報官軍圖之為中策否且見討悔無及也

監察御史林廷舉言元時衛河分引漳水支流永樂填淤舊跡去廣平大留村十八里宜鑿通過漳水轉入庶免民患且可增衡水以資漕從之

庚寅署都督僉事張軌田禮董興范雄俱實授都督僉事


壬辰陝西按察副使張楷為右僉都御史 夜月犯五車星

癸巳免順天河間重慶災租七萬五千三百餘石

甲午賑安徽和州饑 是月命增江南淮安課鈔

庚子策貢士岳正等百五十一人于奉天門賜陳時陳鑑岳

正等進士有差是日臚唱彭時後至鴻臚寺卿廷劾 上遲



之良久置不問進士李泰伯父太監李永昌齒錄稱繼父
壬寅兵部尚書靖遠伯王驥總督軍務都督同知宮聚為平
蠻將軍總兵官都督僉事張軌田禮為左右副總兵方瑛貴
州都指揮同知張銳為左右叅將率南京雲南湖廣四川貴
州官土軍復征麓川思机發俾孟養舊宣慰刀孟賓為嚮道
又勅木邦緬甸南甸千崖隴川等宣慰使刀蓋發等助兵餉
下議遷曰思任發既誅其子思机發潛住孟養直孤雛耳招
之不至伺隙乘釁付之滇閩足矣彼閩振何足責復勤王
師萬里徂征憊西南之民力藝九廟之神威彼閩振何足

責王襄毅身為大帥久在行間宜力陳利害深為天子詳
其曲折當遙制于帷幄之內乃附和權貴遽受脹而出獨
不念滇民亡辜腦髓塗地耶噫


乙巳廣東徭賊掠瀧水縣守備署都指揮僉事陳惠遣指揮
僉事張玉等追敗之擒四人斬十二級

夜月犯箕宿

戊申貸浙江寧波紹興飢民倉糧

己酉廣西蠻劫廣東高州

辛亥工部右侍郎王佑父喪令奔喪赴任



大星赤光晝流至游氣

癸丑涼州副總兵署都督僉事劉廣卒

世甘州中衛指揮同知

四月丁巳免浙江江西去年災租九十一萬餘石

戊午戶部右侍郎焦宏督運雲南軍餉

前軍右都督馮斌卒追封邢臺伯謚襄武賜祭葬

己未知縣焦寬為雲南監察御史

庚申皇次子見潏生

定國公徐顯忠卒

夜大星青白光燭地自天市流天弁

甲子貸湖廣黃梅縣饑民倉糧

乙丑給遼庶人貴烺妻子歲祿如故

夜月犯太微垣右執法星

丁卯召大同總兵官武進伯朱冕

巡按河南監察御史夏裕言王府長史紀善伴讀教授專匡

王不逮今賈表奏事累曠年月乞後遣他官庶盡輔導導從之

己巳南京翰林院侍講學士周叙請刪脩宋史選文學三四


人共加論述上曰毋擇人即叙自竟之

安南入貢

國權

正統十三年

七



夜大星青白光自天大將軍流近濁

庚午山東諸城縣蝗停逋租

癸酉選進士萬安曹鳳熊瓚劉吉孫茂劉珣王勤謝瓌白行

順李恭宋弼邢讓劉清喬毅李本李鏞王恕孫昱孟祥曹輔

尹旻張斐李讚李寬華顯霍榮郭安李堅成章引見內廷為

翰林院庶吉士侍讀習嘉言侍講王一寧編脩趙恢教習

灑水電白等縣猺賊作亂勅廣西總兵官安遠侯柳溥會廣

東署都指揮僉事王清剋期並勦

甲戌遼府益陽王貴桴薨年三十七謚安僖

乙亥夜月犯十二諸侯秦星

丙子勅泰寧福餘朵顏三衛爾收遺衆歸爾舊地如下 偏脅

奏來安挿于遼東

己卯翰林院庶吉士倪寬為中書舍人仍四夷館習譯進士


孫祥曹凱為兵刑科給事中

庚辰刑部右侍郎薛希璉右僉都御史張楷分詣兩畿鳳陽

保定捕蝗

免湖廣旱災田租七十五萬一百餘石

歲貢生江陵張榮廷試懷挾特成邊



辛巳詔熟審

癸未禁募僧戴像鳴鑼擊鼓

五月乙酉朔夜大星如椀青白光燭地流雲中

丙戌山東濟南青登萊俱蝗命捕之

丁亥山西左布政使石璞為工部尚書璞秩滿入朝太監王

振薦之

己丑夜大星青白光自華蓋流至濁

庚寅禁用銅錢時鈔一貫准錢二文監察御史蔡愈濟請罪

行錢者

壬辰南京右僉都御史張純為右副都御史

乙未逮四川左叅政連均以唆訟枉人也

丙申行人雷復羅澄為陝西雲南道監察御史

丁酉烏思藏番僧綽吉堅繫為灌頂弘慈妙覺大國師賜印

己亥勅安南國王黎濬釋占城國王摩訶賁諶毋構怨稔毒

辛丑遣禱于寺觀祠廟諸神 免在京菜戶納鈔

癸卯定雲南騰衝衛中鹽例兩淮四川鹽每引米四斗浙引


三斗五升雲南五井並引六斗黑白二井引每五斗

甲辰河南山東旱蝗勅刑部右侍郎丁鑑巡視放賑

國權

正統十三年

九



丁未妙勝禪師鎖南藏卜為國師刺麻荅失班丹為都綱印
庚戌都察院右都御史陳鑑乞嗣子佳入太廟不允

壬子命中外學宮元時所塑孔子像為左袒者悉改之從絳
縣訓導張幹之言

賑安徽無為州飢民粟一千餘石

懷柔劉廣鄱陽樊侃盤屋李肆漢皆自宮求用成鉄嶺衛

何喬遠曰祖宗朝官侍皆出于俘孥罪囚至景泰中乃有
自宮求進者暫置之罪竟得收用自是畿甸之民以至山
東西齊魯閩陝之間其希圖避徭以幸富貴者家有數子


即一闈之名曰淨身男子上書求用至以千數其無所附
託流為棄人乞子者亦相屬矣正德中于經得志經父來
見下簾管之曰爾忍闈兒後乃上堂稱父子抱持而泣也
癸丑免山西隰州鄉寧等縣去年災租三萬四千七百餘石
甲寅襄王瞻璿奏妃父指揮僉事李玉卒請遣官祭葬又為
郡王郡主請弔賀于其外戚家禮部尚書胡濙請如韓王往
南京祭掃祖墳例允所請上責胡濙祖塋也而何可比外
戚不許

六月乙卯朔廣西蠻殺掠潯梧等處命總兵官安遠侯柳溥勦

國權

正統十三年

十



撫如受撫且息兵嚴守

丙辰兵部言宣府總兵官楊洪改青邊口牧馬右少監趙琮謂其非便將奚從 上如洪言貴琮偏執

戊午裁湖廣僻縣儒學訓導

賑山東鄒城縣飢

己未復施守正山東泰安知州

廣西蠻破甯白縣命驗被殺家優卹之

庚申雲南蒙化州改為府

辛酉復王用山東觀縣知縣

壬戌雲南布政司右叅政馮郁叅贊軍務

廣東清軍監察御史劉訓言高州肇慶徭人為信宜瀧水徭人誘劫撫之遺害乞如瓊州例命徭首能撫五百戶以上授

副巡檢千戶以上受典史二千以上授主簿以上從之

丙寅賑江南如臯縣飢

庚午帝提衛都指揮使察阿奴為都督僉事

癸酉翰林院脩撰張益為侍讀學士

陳留縣言河決金村隄及黑潭尚岸已築治復決乞發軍協

助從之

國權

正統十三年

十一

